



Page: 16

Reach: 50000

Country: BOSNIA AND HERZEGOVINA

Size: 431 cm2

1 / 1

Rasvjetljen pokušaj ubistva Envera Suljagića

Benan Dorić organizirao sačekušu za vođu taksista

Maskirani napadač 24. novembra 2010. godine iz automatske puške ispalio rafal u Suljagićev Mercedes • Dorić nedavno pokušao počinuti samoubistvo



Suljagić: Nosio pancir.

Pripadnici Državne agencije za istrage i zaštitu (SIPA) jučer su u nastavku akcije kodnog naziva „Lutka“ rasvijetlili pokušaj ubistva Envera Suljagića, predsjednika Udruženja „Sarajevo-taxi“, koje se dogodilo 24. novembra 2010. godine u ulici Betanijau Sarajevu.

Ranije hapšen

Tokom višegodišnje istrage pripadnici SIPA-e uspjeli su rasvijetliti i dokumentirati ovo teško krivično djelo, a izvještaj je podnesen protiv jedne osobe koja se sumnjiči da je iz automatske puške kalibra 7,62 milimetra s više hitaca iz neposredne blizine pucala u

Suljagićev Mercedes u pokretu kojim je on upravljao, s namjerom da ga ubije.

Tog dana ispred Suljagićevog Mercedesa izletio je maskirani napadač i iz neposredne blizine ispalio rafal u vozilo. Suljagić je, na svu sreću, ostao nepovrijeđen.

Kako saznajemo od izvora bliskog istrazi, pokušaj Suljagićevog ubistva tereti se Benan Dorić, koji je ranije hapšen u akciji „Lutka“, a koji je ne-

davno, podsjećanja radi, pokušao samoubistvo eksplozijom plina u kojoj su teške

povrede zadobile i njegova supruga i majka. Dorić je, prema izvještajima policijskih agencija u BiH, označen kao jedna od glavnih karika zločinačke organizacije Darka Eleza, koji u Srbiji izdržava višegodišnju zatvorsku kaznu.

Kontaktirali smo i predsjednika sarajevskih taksista koji je, kako kaže, odahnuo zbog akcije koju su poduzeli pripadnici

SIPA-e i rasvijetljavanja pokušaja njegove likvidacije.

- Moram kazati da taj dan nije pucano na mene kao pojedinca već na predsjednika Udruženja „Sarajevo-taxi“. Razlog za to je naša borba protiv nelegalnog rada. Drago mi je da je SIPA bila došla ovom zadatku, za razliku od ostalih institucija koje su okretale glavu od ovog slučaja i istragu usmjeravale u pogrešnom pravcu. Brojni moćnici, političari, biznismeni podržavaju taj nelegalni rad i direktno su umiješani u ovaj kriminal. Svi mi je bilo poznato da se takvi taksisti koriste za prijevoz droge, oružja i prostitutki. Ti ljudi su budžet BiH oštetili za 100 miliona maraka -

pojasnio nam je Suljagić.

On je, također, naveo da i dan-danas trpi pritiske raznih moćnika koji žele uništiti sarajevske taksiste.

Zli jezici

- Predosjećali smo da će me pokušati ubiti. Žalostno je što sam nosio pancir i živio u strahu za sebe i svoju porodicu. Taj dan kada je pucano na mene, bio sam na sastanku u MUP-u Kantona Sarajevo. Moja nagrada je što sam ostao živ. Bilo je zlih jezika koji su govorili da smo mi sami organizirali pucnjavu, eto, sada je jasno svima da nismo - kazao je Suljagić.

A. ALJIMI



DORIĆ:
Pripadnik
Elezovog klana